

Broj: 1766/24

Bihać, 05.04.2024. godine

Na osnovu člana 20.a Zakona o radu (Sl. novine F BiH broj: 26/16 i 89/18), člana 4. Uredbe o postupku prijema u radni odnos (Sl. glasnik Unsko-sanskog kantona broj: 7/19 i 11/19), člana 3. i 11. Pravilnika o radu ZU Dom zdravlja Bihać broj: 2074/23, Saglasnosti Kantonalnog ministarstva zdravstva, rada i socijalne politike broj: 09-30-3707-2/24 od 25.03.2024. godine, Odluke v.d. direktora o potrebi prijema u radni odnos na neodređeno vrijeme broj: 1755/24, te člana 36. Statuta ZU Dom zdravlja Bihać, v.d. direktor raspisuje

JAVNI OGLAS

za prijem u radni odnos na neodređeno vrijeme

I

1. Doktor medicine u Službi hitne pomoći sa voznim parkom..... 1 izvršilac
2. Laboratorijski tehničar u Službi biohemijsko - hematološkog laboratorija..... 2 izvršioca

II

Kandidati trebaju ispunjavati slijedeće **Opće uslove:**

- Da su državljani BiH,
- Da su stariji od 18 godina,
- Da su fizički i psihički sposobni za obavljanje poslova radnog mjesta (izabrani kandidati će prije zasnivanja radnog odnosa dostaviti ljekarsko uvjerenje o zdravstvenoj sposobnosti izdato od strane ZU Dom zdravlja Bihać).

III

Kandidati trebaju ispunjavati slijedeće **Posebne uslove:**

Za poziciju broj 1. - Doktor medicine u Službi hitne pomoći sa voznim parkom

- VSS - Medicinski fakultet,
- Položen stručni ispit,
- Edukacija iz oblasti hitne medicinske pomoći.

Mjesto obavljanja rada: ZU Dom zdravlja Bihać sa terenskim ambulantom, radno vrijeme - I smjena od 07:00h do 15:00h, II smjena od 13,00h do 21,00h.

Probni rad: Ugovara se probni rad u trajanju od tri (3) mjeseca.

Kratak opis poslova: obavlja redovne poslove iz domena struke koji obuhvataju dijagnostiku, terapiju i preventivni rad, a obavljaju se u ordinaciji ili kući pacijenta, prilikom obavljanja navedenih poslova saraduje sa specijalističkom službom Ustanove, a ako je potrebno i sa drugim ustanovama, izdaje recepta za nabavku lijekova, prisustvuje kod davanja infuzija u ordinaciji ili kući pacijenata, obavlja poslove iz domena svoje struke i urgentne medicine, a to su prevencija, dijagnostika i terapija u ordinaciji, na mjestu povređivanja ili u kući pacijenta, pruža pomoć kod transporta pacijenta, vrši davanje injekcija i infuzija i sve ostalo u sklopu Hitne službe, po potrebi upućuje pacijente na specijalistički pregled, dijagnostičke postupke, bolničko liječenje, institute, zavode itd, vodi zdravstvenu dokumentaciju i administraciju u skladu sa zakonskim propisima, obavlja i druge poslove po nalogu neposrednog rukovodioca.

Za poziciju broj 2. Laboratorijski tehničar u Službi biohemijsko - hematološkog laboratorija:

- SSS - Medicinska škola laboratorijski smjer ili SSS - Medicinska škola sanitarno-ekološki smjer sa tri godine radnog iskustva u laboratoriju,
- Položen stručni ispit.

Mjesto obavljanja rada: ZU Dom zdravlja Bihać sa terenskim ambulancama, radno vrijeme od 07:00h do 15:00h.

Probni rad: Ugovara se probni rad u trajanju od tri (3) mjeseca.

Kratak opis poslova: vrši uzorkovanje kapilarne krvi i venske krvi zatvorenim putem djece, školskoj populaciji i svim kategorijama odraslih pacijenata u prostorijama Službe, vrši prijem uzoraka urina, fizički i hemijski pregled urina i priprema sediment urina, vrši obradu biološkog materijala, evidentiranje i sirtiranje po vrstama traženih pretraga, centrifugiranja i odvajanje seruma, vrši kontrolu prihvatljivosti uzoraka za analizu i o uočenim odstupanjima obavještava nadređenog, benidzin test-stolica, vrši bojenje preparata krvi za miroskopsku analizu, samostalno obavlja manuelne analize i vodi protokol ovih analiza, upisuje rezultate svih urađenih analiza u odgovarajući protokol, pravi reagense u domenu analiza koje izvodi u saradnji sa specijalistom, odlazi u kućne posjete za uzimanje biološkog materijala u stanu bolesnika, obavlja po potrebi hematološke i biohemijske analize uz nadzor specijaliste, odgovara za aparaturu s kojom radi, radi hitnu analizu leukocita iz kapilarne krvi na nalog ljekara iz HMP, brine i zadužen je za inventar zajedno sa ostalim uposlenicima službe, obavlja i druge poslove po nalogu neposrednog rukovodioca.

IV

Kao dokaz o ispunjavanju uslova kandidati su dužni dostaviti slijedeću dokumentaciju:

Za poziciju broj 1. Doktor medicine u Službi hitne pomoći sa voznim parkom:

- Potpisana prijava sa kratkom biografijom, adresom i kontakt telefonom,
- Izvod iz matične knjige rođenih,
- Uvjerenje o državljanstvu,
- Prijava mjesta prebivališta,
- Diploma/Uvjerenje o završenom medicinskom fakultetu,
- Uvjerenje o položenom stručnom ispitu.
- Certifikat/Uvjerenje ovlaštene ustanove/organizacije o završenoj edukaciji iz oblasti hitne medicinske pomoći (ovjerena kopija),

Za poziciju broj 2. Laboratorijski tehničar u Službi biohemijsko - hematološkog laboratorija:

- Potpisana prijava sa kratkom biografijom, adresom i kontakt telefonom,
- Izvod iz matične knjige rođenih,
- Uvjerenje o državljanstvu,
- Prijava mjesta prebivališta,
- Diploma/Uvjerenje o završenoj srednjoj medicinskoj školi za zvanje laboratorijski tehničar ili Diploma/Uvjerenje o završenoj srednjoj medicinskoj školi za zvanje sanitarno-ekološki tehničar,
- Uvjerenje/Potvrda o radnom iskustvu u laboratoriji - najmanje 3 godine (samo za kandidate koji kao dokaz o završenoj srednjoj školi prilažu Diplomu/Uvjerenje o završenoj srednjoj medicinskoj školi za zvanje sanitarno-ekološki tehničar,
- Uvjerenje o položenom stručnom ispitu.



Javni oglas ostaje otvoren 8 dana od dana objave u dnevnim novinama.

Dostavljena dokumentacija mora biti u originalu ili u ovjerenj kopiji i ne smije biti starija od 6 mjeseci.

Kandidat je u prijavi u obavezi naznačiti na koje radno mjesto se prijavljuje, u suprotnom će se prijava odbaciti.

Neblagovremene, nepotpune i neuredne prijave odbaciće se obavještenjem. Pod neurednom prijavom podrazumjeva se i prijava koja nije potpisana.

O datumu, vremenu i mjestu pristupanja polaganju pismenog i usmenog ispita kandidati će biti obavješteni telefonskim putem ili putem e-mail adrese kandidata. Polaganju ispita će pristupiti kandidati koji su podnijeli urednu, potpunu i blagovremenu prijavu.

Kandidati koji ne pristupe zakazanom ispitu smatrat će se da su odustali od prijave na javni oglas.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida, ili su članovi porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu (potvrda, uvjerenje i sl.) koje prilažu prilikom prijave na Javni oglas, te će imati prioritet u zapošljavanju ukoliko budu ostvarivali jednak broj bodova u odnosu na druge kandidate.

Svi traženi dokumenti koji služe kao dokaz o ispunjavanju uslova se neće vraćati.

Prijave na oglas sa potrebnom dokumentacijom u zatvorenoj i neprovidnoj koverti na kojoj se obavezno navode podaci o podnosiocu (puno ime i prezime i adresa stanovanja) se dostavljaju putem preporučene pošte ili neposredno putem protokola Poslodavca na adresu:

ZU DOM ZDRAVLJA BIHAĆ
Put V Korpusa bb
77000 Bihać, Komisija za izbor kandidata za prijem u radni odnos sa
Naznakom ; „NE OTVARAJ-PRIJAVA NA JAVNI OGLAS“.
pozicija broj: _____

Kontakt telefon za davanje dodatnih obavještenja je 037/312-421.

Izbor iz reda prijavljenih kandidata koji ispunjavaju uslove oglasa izvršit će se u skladu sa Zakonom o radu F BiH (Sl. novine F BiH br.26/16 i 89/18), Uredbom o postupku prijema u radni odnos (Sl. glasnik USK-a br. 7/19 i 11/19), Pravilnikom o radu ZU Dom zdravlja Bihać i Poslovnikom o radu Komisije za izbor kandidata za prijem u radni odnos.



V.D. DIREKTOR:
Uremović dr Maja
specijalista urgentne medicine